

四庫全書

史部

欽定四庫全書

翰苑羣書卷九

宋 洪遵 編

蘇耆次續翰林志

先公自太平興國庚辰歲首登上第不由館殿直升綸閣從釋褐凡七年召入翰苑先帝睠注隆厚垂欲大用者數矣以尚少但加承旨之號以榮之凡八換炎涼方參預政事有唐以為榮滯相半不虛矣在玉堂日書詔之暇集近朝故事號續翰林志其末云後之制置新規

俟他日別加編纂焉尋以中樞務繁晨趨夕返旋又出鎮穰下故未遑周序其事嗚呼先公遭時遇主騰拔霄漢才名振赫非不大矣職位隆顯非不達矣而壽不登於強仕志未展於一時莫報寵光旋悲朝露豈使君臣盛美之事禁林榮耀之迹不傳於後世邪次子耆出宰烏程居多暇日因泣血編錄附於志後目之曰次續翰林志云耳

先公於丙戌歲始入翰林時翰長宋公白副翰賈公黃

中皆先達鉅儒同在螭署公乃作古詩數百言序述疇

昔遭逢之由二公亦以歌答之

今卷附
之於後

宋即南宮座主

也纔及七歲遂為同列故其歌云疇昔聊為尺木階而
今真是青雲友賈即嘗任補袞閱民田於澤郡時先公
方在幼齡祖父攜而謁之仍以文為贄賈贈詩曰曲江
願作先容容都醉春風上五雲十餘年更直內署於今
朝野流為美談

國家舊制郊祀之禮惟宣祖皇帝侑神作主公受詔攝

禮儀使乃拜疏云太祖皇帝受命造宋垂於無窮不預
嚴配恐乖天人之意仍唐永徽中高祖太宗同配故事
上優詔褒美朝廷躋之迄今以為定制焉公始撰翰林
志成以獻上大悅特賜宸章兩篇皆獎飾褒美之旨其
後御批云詩意者因卿進續翰林志美居清華之地也
尋刻石於玉堂之東序焉時傳本四出人得之者咸以
為榮先帝以玉署之設其來尚矣但虛傳其號而無正
名乃於紅絹上御書飛白四字題曰玉堂之署以賜焉

鈿軸晶熒降從天上御香馥郁傳到人間遂捧歸私第
以慶耀其親時祖母太夫人具命服焚香設拜而觀之
喜歎之聲動於鄰里即命置於本院中擇日懸掛乃具
肩鑰於玉堂之上

其御札至今鎖之或學士上事及賜勅設即令開之焚香而觀焉

自

待詔院吏而下咸列賀於庭公曰自唐置學士來幾三
百年今日方知貴矣即日詔宰輔暨兩制詞臣就院勅
設宴帳之盛無如是時仍賦長韻詩一章以記其事

其詩

目曰禁林讌會
集今附之於後

有唐學士院深嚴非本院人不可遽入雖中使宣示及有文書必先動鈴索立於門外俟本院小判官出授訖授院使院使授學士自五代已來其制久廢公因召對言之上可其奏自是院內復置鈴索焉淳化中公方在宿直夜將及乙就枕已久忽鈴索聲動即中使賫御草書宋玉大言賦以賜公即具簪笏張燭望宸居再拜而發焉續有劄子云朕草宋玉大言以賜卿不識來朝因呈文書將來讀與卿及凌晨對敕方盡詳悉公乃自撰

大言賦以進詞曰皇帝書白龍牋作大言賦賜玉堂臣
易簡御筆煌煌雄詞洋洋瓌璋博達不可備詳詔臣陞
殿躬指其理且歎宋玉之竒怪也因伏而奏曰恨宋玉
不與陛下同時帝曰噫何代無人焉卿為朕言之臣曰
聖人興兮造成功登崑崙兮展升中
崑崙南屬地居天地為席
兮饗祖宗天起籟兮調笙鏞日烏月兔耀文明也參旗
井鉞嚴武衛也執北斗兮奠玄酒也削西華兮為石礎
也飛雲涌霞騰燔燎也刳鯨腊鵬代鷄鯨也飛雷三發

山神呼也流電三激燿火舉也禮載獻兮淳風還君百
拜兮天神懽四時一周兮萬八千年太山融兮溟海乾
圓蓋穴兮方輿穿君王壽兮無窮焉時殿上皆呼萬歲
上覽之嘉歎再三賜大言賦名四句其序曰宋玉遇侯
王則未足以為美易簡逢真主堪師法於後人兼賜卿
大言賦名四句少年盛世兮為詞臣古往今來兮有幾
人首出文章兮居翰林儒名善守兮合緣寅已勒石於
書閣之西序矣

先是內院逼近禁闈地復狹窄前後書詔繁萃積於房
廊多所損潤公乃於玉堂後廡建二書閣東西交映藻
繪間飾自是文籍有附焉閣之上下悉命僧巨然畫煙
嵐曉景以布之筆跡野逸效李成之作而又自成一家
之妙

唐制學士每有除拜他職必納光院錢以為公用自丞
相而下各有差等五代以還其儀久闕公振舉而復之
自是院中費用及待詔而下伏臘之資告足公入參之

日首納百千上恩詔特令迴賜公嘗奏事歸院上即時
宣召顧左右曰宣蘇某來及對敷而退上猶未起又曰
宣當直學士來及再引對畢未及到廳上又曰召承旨
來時雖處內署而兩地政事多所詢訪蓋聖語有所未
盡故一日凡三接見而三易其稱特眷注之深厚耳

國朝舊制有殿前承旨頗甚繁雜及公拜翰林承旨上
以其稱呼不別又惡其與清貴混淆詔改為三班奉職
以避其稱也公嘗早朝省覲其母於堂上燭滅誤為門

靡傷其額及引對上再三顧矚曰豈非因酒乎公再拜具以實對上曰待歸院續有藥去及移時中使至於金

合內有藥一刀圭許其色微碧及生猪肉一臠

禁中無猪肉蓋

令旋於屠家取之

中人遽請偃息傳藥於上以肉貼之不食許

揭去其肉痂隨而起宛如無傷蓋神異之方也公一日在院內以水一斛試敬器焉上令中黃門偵知遽奏其事而莫辨其器及晚朝上曰卿在院中所玩得非敬器乎公初亦驚怛尋奏曰臣昔任官江左因而得之乃李

氏義族收所作實欵器之遺象也上遽命取來乃於便殿躬自校試再三歎美之公乃進曰臣聞日中則昃月滿則虧器盈則覆物盛則衰願陛下持盈守成慎終如始固萬世基業天下幸甚上深加聽納因即獻之自後制度亦罕有傳者公久在禁林連典貢部自前南宮首薦及殿庭覆考試多所改易及公薦陳樞相堯叟孫紫微何一不搖動天下伏其知人寒暄之流牢籠殆盡雖退黜者曾無怨言場屋之間至今歌詠上以公飲酒過

多恐成疾患因乾明聖節宣近御座委曲勸勉至於再
三凡移數刻左右大臣莫不聳聽公感戴恩惠但垂泣
再拜而已來日具狀稱謝上於表後御書批答云覽卿
之謝過表章其辭也深合朕意卿擢登高級盛美儒林
敗德之名克先為誠知非能改於不二諸事豈假再三
手札不多賜蘇某凡奏狀縫上皆御寶印之續降一劄
子云昨日賜卿批答忽速今日始捻舊本子看誤使一
辭字卿改却著公即具狀謝仍面奏辭字從古乃是正

文并檢虞監書者辭字進呈上大悅曰非卿博識朕以
為誤矣上嘗御便殿案上有御書一紙乃銷金紙飛白
一香者公乃拜乞上雖許而未即賜坐間呂宮師蒙正
因奏事見之又乞上曰適已許賜蘇某矣遽命公取之
公袖以致謝左右無不健羨焉公與襄陵賈公內直禁
署嘗相謂曰今兩地大僚請酒至多而罕有相遺者因
各有不平之氣未幾賈公入參大政又數月茂聞有濃
醪之贈公因飛一絕以贈之憶昔當初直禁林共嗟難

得酒如金此時寂寞垂簾坐惆悵無人話此心賈公見
之方悟因大笑封送酒歷恣其所請公乃預請數月幾
近百壺好事者即日傳於都下

草麻潤筆自隋唐已來皆有之

鄭譯隋文時自隆州刺史復國公爵令李德林

作詔高頰戲之曰筆頭乾譯答曰出為方伯杖策而歸不得一錢何以潤筆

近朝武臣移鎮

及大僚除拜因循多不送遺先帝以公久在內署慮經費有闕特定草麻例物朝謝日命閤門督之既得因以書進呈自是無敢有闕者迄今以為定制公嘗劇飲寢

於直廬夜將分中人宣召遽起以水沃面具簪笏以朝而方醉中乃賜坐訪以外事應對如流畧無舛誤仍令草王密使名顯駁麻及袖歸院晨並不之記上亦不覺其醉自以為神助聞者莫不驚異焉公書詔之暇日飲醇酎上御草書戒酒勸酒詩二章以賜仍令與祖母讀之何人肯立杜康廟又拉劉伶在畔頭願得黃金千萬鈺一時送與酒家休又幾醞香醪一曲歌本圖閒放養天和後人不會先賢意破國亡家事極多傑直之制自

五代以還頗亦湮廢雖有舊規而罕能遵守公自始入
洎起皆力行之亦未嘗借請同院代直自是羣官亦無
敢墮其例者因酌楊八座昭儉鳳閣傑直例勒石龕於
玉堂之東北隅凡此數事悉先公在儒林之殊迹也者
是時方在幼齡十不記其一二慮年代浸遠微烈無聞
因以編修刊於緗素一則表神宗優賢之異二則彰先
公遭遇之由垂示方來諒亦無愧時聖上幸亳之歲孟
春月書

翰苑羣書卷九

欽定四庫全書

史部

翰苑羣書卷

十五
十二

詳校官太常寺少卿臣陳桂森

編修臣程嘉謨覆勘

覆校官中書臣汪師曾

校對官中書臣王家賓

謄錄監生臣陳炳

欽定四庫全書

翰苑羣書卷十

宋 洪遵 編

學士年表

自建隆
至治平

建隆

元陶穀

正月自翰林學士承旨吏部
侍郎遷禮部尚書依前充職

竇儼

正月自翰林學士中書舍人遷
禮部侍郎依前充職亦月卒

王著

正月自翰林學士金部郎
中為中書舍人依前充職

李昉

正月自起復翰林學士屯田
郎中遷中書舍人依前充職

二陶穀

王著

李昉

三陶穀

王著

李昉

七月遷給事中罷

扈蒙

七月以中書舍人史館修撰拜

乾德

元陶穀

王著

月貢比部員外郎罷

扈蒙

十月貢左贊善大夫罷

竇儀

十月以工部尚書拜

二陶穀

竇儀

三陶穀

實儀

歐陽迴

八月以左散
騎常侍拜

四陶穀

實儀

十一月
卒

歐陽迴

五陶穀

歐陽迴

開寶

元陶穀

歐陽迴

二陶穀

歐陽迴

盧多遜

郎以兵部員外
知制誥直院

三陶穀

十二月
卒

歐陽迥

盧多遜

四歐陽迥

六月以本官
分司兩京罷

盧多遜

十二月
拜學士

五盧多遜

六盧多遜

九月以中書舍人拜
九月除參知政事

張澹

四月以左補闕
知制誥權直院

七張澹

六月
卒

八

九

太平興國

元湯悅

十一月自太子少詹事為直院

徐鉉

十一月自太子少詹事為直院

二湯悅

徐鉉

扈蒙

正月以中書舍人復拜

三湯悅

徐鉉

扈蒙

四湯悅

九月遷光祿卿罷

徐鉉

扈蒙

五徐鉉

扈蒙

六徐鉉

扈蒙

七徐鉉

扈蒙

八徐鉉

六月遷左散騎常侍罷

扈蒙

李穆

五月以中書舍人拜承旨十一月除參知政事

宋白

五月以中書舍人拜承旨

賈黃中

五月以駕部員外郎知制誥為司封郎中拜學士

呂蒙正

五月以左補闕知制誥為都官郎中拜學士十一月除參知政事

李至

五月以左補闕知制誥為比部郎中拜學士十一月除參知政事

雍熙

元扈蒙

宋白

賈黃中

二扈蒙

月遷工部尚書罷

宋白

蘇易簡

賈黃中

三宋白

賈黃中

蘇易簡

四宋白

賈黃中

蘇易簡

端拱

元宋白

賈黃中

蘇易簡

二宋白

賈黃中

蘇易簡

李沆
三月以職方員
外郎知制誥拜

淳化

元宋白

賈黃中

蘇易簡

李沆

二宋白

九月責保
軍司馬罷

賈黃中

九月除參
知政事

蘇易簡

九月遷中書
舍人承旨

李沆

九月除參
知政事

韓丕

十月以左諫
議大夫拜

畢士安

十一月以考功員
外郎知制誥拜

三蘇易簡

韓丕

畢士安

四蘇易簡

十一月除參知政事

韓丕

五月以本官罷

畢士安

五月以右諫議大夫知昇州罷

張洎

五月以左諫議大夫史館修撰為中書舍人拜

錢若水

五月以屯田員外郎知制誥為職方員外郎拜

五張洎

錢若水

至道

元張洎

四月除參知政事

錢若水

正月除同知樞密院

宋湜

正月以職方員外郎知制誥拜

王禹偁

正月以禮部員外郎知制誥拜五月

以工部郎中
知滁州罷

宋白
四月以禮部侍
郎復為承旨

二宋湜

宋白

三宋湜

宋白

楊礪
八月以給
事中拜

王旦
八月以中
書舍人拜

咸平

元宋湜
十月除樞
密副使

宋白

楊礪
二月除樞
密副使

王旦

二宋白

王旦
二月除同
知樞密院

三宋白

梁周翰

五月以駕部郎中知制誥拜

師頴

五月以刑部郎中知制誥拜

朱昂

五月以吏部郎中知制誥拜

王欽若

明言以左正言知制誥拜

梁周翰

四宋白

師頴

朱昂

五月以工部侍郎致仕

王欽若

四月除參知政事

五宋白

梁周翰

師頴

八月卒

六宋白

梁周翰

景德

元宋白

梁周翰

趙安仁

七月以左正
言知制誥拜

二宋白

五月遷刑部尚書
集賢院學士罷

梁周翰

趙安仁

二月除參
知政事

晁迥

五月以起復左
諫議大夫拜

李宗諤

五月以起居舍
人知制誥拜

三晁迥

李宗諤

楊億

十一月以左司
諫知制誥拜

四晁迴

李宗諤

楊億

大中祥符

元晁迴

李宗諤

楊億

二晁迴

李宗諤

楊億

三晁迴

李宗諤

楊億

四晁迴

李宗諤

楊億

五晁迴

李宗諤

楊億

六晁迴

李宗諤

五月
卒

楊億

六月以太常少
卿分司西京罷

陳彭年

六月以龍圖閣直
學士左諫議大夫

拜

李維

六月以左司郎
中知制誥拜

王曾

六月以主客郎
中知制誥拜

七晁迥

陳彭年

李維

王曾

八晁迥

陳彭年

李維

王曾

九晁迥

陳彭年

九月除參
知政事

李維

王曾

九月除參
知政事

李迪

使集賢院學士拜
八月以陝西都轉運

天禧

元晁迥

李維

李迪

知政事
九月除參

二晁迥

十一月
遷承旨

李維

五月以戶部侍郎
集賢院學士罷

錢惟演

正月以工
部侍郎拜

盛度

十一月以戶部
侍郎知制誥拜

三晁迥

錢惟演

盛度

四晁迥

四月以工部侍郎集賢院學士判西京留臺罷

錢惟演

八月除樞密副使

盛度

七月責知光州罷

楊億

四月以起復工部侍郎復拜十二月卒

劉筠

八月以兵部員外郎知制誥拜

晏殊

八月以戶部員外郎知制誥拜

五劉筠

正月以右諫議大夫知廬州罷

晏殊

李誥

正月以戶部員外郎知制誥拜

李維

正月復拜承旨

乾興

元晏殊

李誥

李維

宋綬
九月以戶部
郎中知制誥

劉筠

八月以給事中復拜
十一月除御史中丞罷

天聖

元晏殊

李諮

李維

二晏殊

李諮

李維

三晏殊

十一月除
樞密副使

李諮

九月除樞密直
學士知洪州罷

李維

宋綬
四月拜

錢易

十月以左司郎中知制誥拜

四李維

三月改相州觀察使罷

宋綬

錢易

正月卒

夏竦

二月以起復戶部郎中知制誥拜

蔡齊

五月以起居舍人知制誥拜

章得象

五月以兵部郎中知制誥拜

五宋綬

夏竦

三月以右諫議大夫除樞密副使

蔡齊

章得象

陳堯咨

二月以龍圖閣學士工部侍郎權知開封府拜八月除宿州觀察使罷

六宋綬

蔡齊

七月除禮部侍郎龍圖學士知河南府罷

章得象

馮元

九月以龍圖閣學士兼侍講學士禮部郎

中同修國史拜

陳堯佐

九月以樞密直學士左諫議大夫權

知開封府拜

七宋綬

罷七月

章得象

馮元

陳堯佐

三月除樞密副使

八宋綬

復拜四月

章得象

馮元

徐奭

四月以禮部郎中知制誥拜九月卒

九宋綬

十月以龍圖學士知應天府罷

章得象

馮元

明道

元章得象

馮元

二章得象

馮元

景祐

元章得象

石中立

正月以給事中知制誥拜

張觀

正月以刑部郎中知制誥拜

二章得象

石中立

張觀

三章得象

十二月除
知樞密院

石中立

三月除
知政事

張觀

二月除
御史中丞
給事中
罷

丁度

三月以
刑部
知制誥
郎

晁宗慤

三月以
起復
刑部
郎中
知制誥
拜

四丁度

晁宗慤

昏偃

閏四月以
工部
郎中
知制誥
拜

李淑

閏四月以
禮部
外郎
知制誥
拜

寶元

元丁度

晁宗慤

胥偃

李淑

三月除侍讀學士罷

宋庠

三月以刑部員外郎知制誥拜

二丁度

晁宗慤

胥偃

八月卒

宋庠

十一月除左諫議大夫參知政事

王舉正

八月以兵部郎中知制誥拜

柳植

八月以工部郎中知制誥知杭州拜十一月以左諫議大夫除權御史中丞罷

康定

元丁度

晁宗慤

九月除左諫議大夫參知政事

王舉正

王堯臣

正月以左司諫知制誥拜

慶厯

元丁度

閏月遷承旨

王舉正

五月除左諫議大夫參知政事

王堯臣

閏

聶冠卿

四月以兵部郎中知制誥拜

王拱辰

五月以左正言知制誥拜

蘇紳

五月以刑部員外郎知制誥拜

二丁度

王堯臣

聶冠卿

九月卒

王拱辰

三月以右諫議大夫權御史中丞罷

蘇紳

吳育
十月以起居舍人知制誥拜

富弼

十月以左正言知制誥拜固辭罷

三丁度

王堯臣

蘇紳

七月除龍圖閣學士知揚州罷

吳育

葉清臣

開月以龍圖閣直學士禮部郎中拜

宋祁

四丁度

王堯臣

吳育

葉清臣

宋祁

五丁度

四月以工部侍郎除樞密副使

王堯臣

正月遷承旨

吳育

正月以右諫議大夫除樞密副使

葉清臣

十一月除翰林侍讀學士知邠州罷

宋祁

二月以翰林侍讀學士兼龍圖閣學士罷

孫抃

二月以起居舍人知制誥拜

張方平

二月以右正言知制誥拜

梁適

十一月以樞密直學士禮部郎中知延州

拜是月罷為翰林學士知澶州

蘇紳

十月以龍圖閣學士禮部郎中復拜

六王堯臣

孫抃

張方平

正月以右諫議大夫權御史中丞罷十一月復拜

楊察

正月以右正言知制誥拜

七王堯臣

孫抃

張方平

八月知
滁州罷

楊察

四月以右諫議大
夫權御史中丞罷

葉清臣

四月
復拜

彭乘

三月以工部郎
中知制誥拜

錢明逸

三月以右諫議
大夫知制誥拜

八王堯臣

孫抃

葉清臣

彭乘

錢明逸

趙槩

十二月以刑部
郎中知制誥拜

楊偉

十二月以刑部
郎中知制誥拜

宋祁

六月復拜十
月知許州罷

皇祐

元王堯臣

孫抃

葉清臣

三月以翰林侍讀
學士知河陽罷

彭乘

九月
卒

錢明逸

四月除龍圖閣
學士知蔡州罷

趙槩

楊偉

二王堯臣

孫抃

趙槩

楊偉

嵇穎

八月以刑部員外郎
知制誥拜九月卒

三王堯臣

十月除樞密副使

孫抃

趙槩

楊偉

曾公亮

四月以刑部郎中知制誥拜

田况

十二月除龍圖閣學士給事中權三司使

罷

四孫抃

趙槩

楊偉

曾公亮

田况

五孫抃

七月以右諫議大夫權御史中丞罷

趙槩

曾公亮

田况
九月除禮部侍郎
三司使罷

胡宿

五月以兵部員外郎知制誥拜

至和

元趙槩

楊偉

曾公亮

九月除瑞明殿學士集賢殿修撰知鄭州罷

胡宿

歐陽修

八月以龍圖閣學士吏部郎中拜

呂溱

九月以起居舍人知制誥拜

王洙

九月以工部郎中知制誥拜

二趙槩

楊偉

胡宿

歐陽修

六月以侍讀學士
集賢殿修撰知蔡

州罷七
月復拜

呂溱

二月以翰林侍讀
學士知徐州罷

王洙

孫抃

六月復
拜承旨

嘉祐

元趙槩

楊偉

胡宿

歐陽修

王洙

閏三月以翰林侍讀
學士兼侍講學士罷

孫抃

王珪

十二月以翰林侍讀
學士起居舍人拜

曾公亮

四月
復拜

二趙槩

楊偉

胡宿

歐陽修

孫抃

王珪
七月丁母憂

曾公亮

三趙槩

十月除翰林侍讀學士龍圖閣學士禮部侍郎知鄆州罷

楊偉

二月卒

胡宿

歐陽修

孫抃

曾公亮

十二月除給事中參知政事

韓絳

三月以吏部員外郎知制誥拜

四胡宿

歐陽修

孫抃

韓絳

三月以左諫議大夫權御文中丞罷

吳奎

三月以兵部員外郎知制誥拜

王珪

十月復拜

五胡宿

歐陽修

十一月除樞密副使

孫抃

四月除樞密副使

范鎮

吳奎

十一月除端明殿學士戶部郎中知成都府罷

賈黯

二月以兵部員外郎知制誥拜九月除翰林侍讀學士知鄧州府罷十一月復拜

蔡襄

五月以樞密直學士禮部郎中拜

六胡宿

閏八月除左諫議大夫樞密副使

王珪

賈黯

蔡襄

范鎮

吳奎
六月復拜

七王珪

賈黯

蔡襄

范鎮

吳奎

三月除左諫議大夫樞密副使

馮京

十月以翰林侍讀學士右正言拜

八王珪

賈黯

蔡襄

八月遷給事中三司使罷

范鎮

馮京

治平

元王珪

賈黯

范鎮

閏五月遷侍讀學士罷

馮京

王疇

五月以給事中權御史中丞拜十二月除樞密副使

二王珪

賈黯

二月以給事中權御史中丞罷

馮京

范鎮

三月復拜

三王珪

馮京

八月丁母憂

范鎮

正月除侍讀學士集賢殿修撰知陳州罷

沈遘

九月以龍圖閣學士右諫議大夫權知開

封府拜尋
丁母憂

四王珪

九月遷承旨

司馬光

閏三月以龍圖閣直學士右諫議大

夫兼侍講拜四月除權御史中丞罷九月復拜

呂公著

閏三月以龍圖閣直學士給事中知

蔡州
罷

鄭獬

九月以兵部員外郎知制誥拜

王安石

十月以工部郎中知制誥知江寧府拜

翰苑羣書卷十

欽定四庫全書

翰苑羣書卷十一

宋 洪遵 編

翰苑題名

翰苑自唐寶應迄於大中學士官族皆刻石龕之屋壁
五季以紛擾久廢藝祖受命首建直廬太宗親灑玉堂
之翰以增寵獎聖聖稽古推擇尤靳景德初趙安仁晁
迥李宗諤始復置壁記起國初自承旨陶穀以下至直
院用除授次第刊列後居職者皆得以流芳久遠中遭

變故今不復存睿主中興偃武右文揀求鴻碩追坦明
之制如二帝三王之盛以章列聖之休規模遠矣而姓
名未紀來者何觀學士秦公梓再有建請未幾出守宣
城因循迄今該猥以淺陋寓直翫馘之文豈足以潤色
丕業顧獲繼諸公之後託名於不朽欣幸之極乃為之
序紹興十八年七月既望左中奉大夫權尚書禮部侍
郎兼直學士院沈該謹序

朱勝非

建炎元年五月以中書舍人兼權直院八月除
禮部侍郎依舊兼權十一月除翰林學士二年

五月除 **相王陶** 建炎元年六月以給事中兼權直院十
右丞 二月除禮部侍郎依舊兼權二年除工

部尚 **葉夢得** 建炎二年以戶部侍郎除
翰林學士十一月除左丞 **康執權** 建炎二
書 年以吏

部侍郎兼權 **盧益** 建炎二年以兵部侍郎
直院是年罷 郎兼權直院是年罷 **孫覲** 建炎二年
以吏部侍郎

郎兼權直院 **李邴** 建炎二年十一月以兵部侍郎兼權
三年正月罷 直院三年二月除翰林學士三月除

簽書樞 **張守** 建炎三年三月以起居舍人兼權直院尋
密院事 除中書舍人依舊兼權四月除御史中丞

詹又 建炎三年三月以龍圖閣 **滕康** 建炎三年四月以
學士兼權直院六月罷 諫議大夫除翰林

書樞密院事 **曾楙** 建炎三年八月以徽猷閣直學士
學士五月除簽 提舉西京嵩山崇福宮除翰林學

士是月除 **張守** 建炎三年六月以禮部侍郎除翰
禮部尚書 林學士九月除簽書樞密院事 **汪藻**

建炎三年七月以中書舍人兼權直院是年除給事中
依舊兼權四年七月除兵部侍郎依舊兼權紹興元年

五月除翰林學士九月除
龍圖閣直學士知湖州
綦寔禮 建炎四年五月以吏部侍郎兼權直院十

月除徽猷閣直
學士知漳州 席益 紹興元年八月以中書
舍人兼權直院十月罷 胡交修 紹興

元年十月以給事中
兼權直院二年宮觀 綦寔禮 紹興二年二月以吏部侍郎
兼權直院七月除兵部

侍郎依舊兼權九月除翰林學士四
年七月除寶文閣學士知紹興府 翟汝文 紹興二年
三月以顯

謨閣直學士致仕除翰林學
士承旨四月除參知政事 沈與求 紹興二年七月以
吏部尚書兼權翰

林學士十
二月宮觀 徐俯 紹興三年二月以諫議大夫除
翰林學士是月除簽書樞密院 陳與義

紹興三年七月以吏部侍郎兼權直院四年四月除
禮部侍郎依舊兼權八月除徽猷閣直學士知湖州 孫

近 紹興四年七月以吏部侍郎兼直院五年二月除翰林學士十一月除吏部尚書兼權翰林學士六年八

月除龍圖閣學士知紹興府 沈與求 紹興四年八月以吏部尚書兼權翰林學士九月除參知政事

胡交修 紹興五年二月以刑部侍郎兼權直院十一月除翰林學士八月除刑部尚書 朱震

紹興六年五月以給事中兼權直院 陳與義 紹興六年六月以中

書舍人又兼權直院十一月除翰林學士七年正月除參知政事 胡世將 紹興七年正月

兼直院九月除兵部侍郎依舊兼八年正月除樞密直學士四川安撫制置使兼知成都府 胡寅 紹

八年四月以禮部侍郎 曾開 紹興八年五月以禮部侍郎兼權直院五月以憂去 紹興八年六月以中書

文閣侍制 呂本中 紹興八年六月以中書 勾龍如淵 紹

八年十月以中書舍人兼直院十一月除御史中丞孫近紹興八年十月以龍圖閣學士知紹興府除翰

林學士承旨十一月除參知政事樓炤紹興八年十一月以給事中兼翰林學士

三月除簽書樞密院事李誼紹興九年三月以中書舍人兼直院九月除工部侍郎依舊兼十年正月

除工部尚書胡交修紹興九年六月以兵部尚書兼權翰林學士十年十一月除端明殿學士知台

州林待聘紹興十年五月以中書舍人兼權直院十二年除給事中依舊兼權十一年七月除兼直

院十二月范同紹興十年十二月以給事中兼直院十二年五月除翰林學士七月除參知政

事程克俊紹興十一年十一月以給事中兼權直院十二年四月除兼直院九月除翰林學士二月

除簽書樞密院事吳表臣紹興十二年正月以吏部尚書兼權學士院二月罷秦梓紹興

年九月以敷文閣直學士兼權直院十月除兼直院十
三年閏四月除翰林學士六月除龍圖閣學士知宣州

王賞

紹興十二年十月以權禮部侍郎依舊兼權直院十
三年五月除禮部侍郎依舊兼權直院十二月罷

洪

皓

紹興十三年八月以徽猷閣直學士提舉
萬壽觀兼權直院九月依舊職知饒州

楊愿

紹興十二

年十月以給事中兼權直院十四年
三月除兼直院十一月除御史中丞

劉才邵

紹興十三

以起居舍人兼權直院是月除中
書舍人依舊兼權直院二月罷

秦熈

紹興十四年三
月以禮部侍郎

兼直院十五年正月除翰林學士六月除翰林
學士承旨十月除資政殿學士提舉萬壽觀

段拂

紹興

十四年十一月以中書舍人兼權直院十六年正月除
給事中依舊兼權十一月除兼直院十七年三月除翰

林學士是月
除參知政事

錢周材

紹興十七年三月以中書
舍人兼權直院六月罷

丕

紹興

十七年六月以中書舍人兼權直院十二月致仕 **邊知白** 紹興十七年十二月以權吏部侍郎兼權

直院十八年五月罷 **李椿年** 紹興十八年正月以權戶部侍郎沈該 紹興

十八年正月以權禮部侍郎兼直院八月除數文閣侍制知潼川府 **相李椿年** 紹興十八

戶部侍郎兼權直院 **巫伋** 紹興十九年十一月以給事十九年十一月罷 中兼權直院二十年三月除

簽書樞 **王暉** 紹興二十年三月以起居舍人兼權直院事 **湯思**

退 紹興二十年三月以秘書少監兼權直院二十一年四月除權禮部侍郎二十一年

十四年十一月除禮部侍郎二十一年十月除權禮部侍郎二十一年六月以國

子司業兼權直院八月除權 **陳誠之** 紹興二十五年十月兵部侍郎二十六年二月罷 **陳誠之** 紹興二十五年十月

學士知泉州除翰林學士二十
六年九月除同知樞密院事
劉才邵 紹興二十六年

郎兼權直院二十七年四月除顯謨
閣直學士提舉江州太平興國宮
王綸 紹興二十七年

書舍人兼權直院六月除工部侍郎直
院二十八年二月除同知樞密院事
楊椿 紹興二十八年

以給事中兼權直院二十九年二月除兵部侍郎直院
十二月除兵部尚書兼權翰林學士三十一年三月除

參知政事周麟之 紹興二十八年二月以中書舍人兼權直
院八月除兵部侍郎直院十二月除給事

中二十九年閏六月除翰林學士
三十年七月除同知樞密院事
洪遵 紹興三十年

除翰林學士十二月除徽猷閣
直學士提舉江州太平興國宮
何溥 紹興三十一年

除翰林學士三十二年三月除龍
圖閣學士提舉江州太平興國宮
虞允文 紹興三十一年

紹興三十一年九月以中

書舍人兼權直院三十二年二月
相劉珙紹興三十一年
月除兵部尚書川陝宣諭使十二月以起居

舍人兼權直院三十二年三月除中書舍人五月
兼直院隆興元年十一月除集英殿修撰知泉州唐文

若紹興三十一年十二月以起居郎兼權
洪遵紹興
行宮直院三十二年二月車駕回依舊

士六月除承旨隆興元年五月除同知樞密院事
史浩

紹興三十二年六月以中書舍人
相錢周材隆興元年
除翰林學士八月除參知政事

書舍人兼直院十月除給
王之望隆興元年十一月以
事中二年二月以憂去權戶部侍郎兼權直

院十一月除權吏部侍郎
張孝祥隆興二年二月以中
二年四月除左諫議大夫書舍人兼直院三月

除敷文閣侍馬騏隆興二年三月以起居舍人兼權
洪
制知建康府

適隆興二年四月以太常少卿兼權直院九月除中書舍人閏十一月兼直院乾道元年五月除翰林學士

六月除簽書樞密院事相王剛中隆興二年閏十一月以敷文閣直學士除翰林學士以避祖諱

改除禮部尚書直學士院事蔣希昂乾道元年正月以起居十二月除簽書樞密院事蔣希昂乾道元年七月除中

書舍人兼直院二年五月相何備部侍郎兼權直院三月月除簽書樞密院事

除集英殿修王曦乾道元年九月以權禮部侍郎兼直撰知衢州院二年五月除中書舍人九月除給

事中三年閏七月除敷文閣洪邁乾道二年十月以起侍制提舉江州太平興國宮居舍人兼權直院三

年五月除起居郎七月除中書舍人兼直院四年六月除集英殿修撰提舉江州太平興國宮劉珙乾

三年閏七月以敷文閣直學士知潭州莫濟乾道三年除翰林學士十一月除同知樞密院事十一月以

宗正少卿兼權直院
四年十一月以憂去
汪應辰
尚書兼權翰林學士
六年

四月除端明殿
學士知平江府
梁克家
乾道四年十一月以給事中兼
直院五年二月除簽書樞密院

事
相陳良祐
乾道五年四月以給事中兼直院
六年二月除吏部侍郎閏五月罷
鄭聞
乾道

六年四月以中書舍人兼直院
除寶文閣侍制提舉江州太平興國宮
七年三月
周必大
乾道

七月以祕書少監兼權直院
月除權禮部侍郎八年二月宮觀
王曦
乾道七年四月

除翰林學士八年三月除承旨
除端明殿學士提舉江州太平興國宮
鄭聞
乾道八年七月

以刑部侍郎兼直院
九月除權刑部尚書
王淪
乾道九年閏正月以宗正少
卿兼權直院七月除權工部

侍王淮
乾道九年四月以太常少卿兼權
直院七月除中書舍人兼直院

翰苑羣書卷十一

欽定四庫全書

翰苑羣書卷十二

宋 洪遵 編

翰苑遺事

淳化二年閏二月命翰林學士賈黃中蘇易簡同勾當
差遣院李沆同判吏部流內銓學士領外司自此始也

是年十一月二十三日詔定降麻事例

宰臣樞密使使相節度使持恩

加官除授學士事例銀百兩衣著百疋尊恩加食邑起
復落起復銀五十兩衣著五十疋親王以有宣賜事例
更不重定公主未出降依親王例
宣賜已出降令駙馬都尉管送

大中祥符三年閏二月學士晁迥言今月十八日宰臣
召臣等問所降德音不鎖院之故按本院舊例赦書德
音不曾鎖院臣等商議除南郊赦書緣車駕齋宿在外
並是預先進入降付中書難以鎖院外自餘赦書德音
今後並依降麻例鎖院從之

六年八月學士院諮報準詔議定書詔用紙今定文武
官待制大卿監觀察使以上用白詔紙三司副使閤門
使少卿監刺史以上用黃詔紙自餘非巡幸大禮赦書

敕榜外並用黃表紙從之

右四事國朝會要

八年四月二日兩制賜御筵於學士院直館及朝臣於

史館以考校畢也

錢文僖玉堂逢辰錄

百司申中書皆用狀惟學士院用詔報其實如劄子亦

不出名但當直學士一人押字而已謂之詔報

今俗謂草書名

為押字也

此唐學士院舊規也唐世學士院故事近時墮廢

殆盡惟此一事在爾

往時學士循唐故事見宰相不具靴笏繫鞋坐玉堂上

遣院吏計會堂頭直省官學士將至宰相出迎近時學士始具靴笏至中書與常參官雜坐於客位有移時不得見者學士日益自卑丞相禮亦漸薄並習見已久恬然不復怪也

嘉祐二年樞密使田公況罷為尚書右丞觀文殿學士兼翰林侍讀學士罷樞密使當降麻而止以制除蓋往時高若訥罷樞密使所除官職正與田公同亦不降麻遂以為故事

真宗時丁晉公謂自平江軍節度使除兵部尚書參知政事節度使當降麻而朝議惜之遂止以制除近者陳相執中罷使相除僕射降麻龐籍罷節度使除觀文殿學士又不降麻蓋無定制也仁宗初立今上為皇子令中書召學士草詔學士王珪當直召至中書諭之王曰此大事也必須面奉聖旨於是求對明日面稟得旨乃草詔羣公皆以王為真得學士體也

端明殿學士五代後唐時置國朝尤以為貴多以翰林

學士兼之其不以翰苑兼職及換職者百年間纔兩人特拜程戡王素是也

王元之在翰林嘗草夏州李繼遷制繼遷送潤筆物數倍於常然用啓頭書送拒而不納蓋惜事體也近時舍人院草制有送潤筆物稍後時者必遣院子詣門催索而當送者往往不送相承既久今索者送者皆恬然不以為怪也

右十一事歐公歸田錄

臣伏見國家承五代之餘建萬世之業誅滅僭亂懷來

四夷封祀天地制作禮樂至於大臣進退政令改更學士所作文書皆繫朝廷大事示於後世則為王者之訓謨藏之有司乃是本朝之故實自明道已來文書草藁尚有編錄景祐以後漸成散失臣曾試令類聚收拾補綴十已失其五六使聖宋之盛文章詔令廢失湮淪緩急事有質疑有司無所檢證蓋由從前雖有編錄亦無類例卷第祇是本院書吏私自抄寫所以易為廢失今欲乞將國朝以來學士所撰文書各以門類依其年次

編成卷帙號為學士院草錄有不足者更加求訪補足之仍乞差本院學士從下兩員專切管勾自今已後接續編聯如本行人吏不畫時編錄致有漏落許令本院舉察理為過犯此臣本院常事也所以上煩聖聽者蓋以近歲以來百司綱紀相承廢壞事有曾經奏聞及有聖旨指揮者僅能遵守若祇是本司臨時處置其主判之官纔罷去則其事尋亦廢停所以止欲乞朝廷特降指揮所貴久遠遵行不敢廢失

六一居
士集

唐制翰林學士本職在官下五代趙鳳為之始諷宰相

任園移在官上

按趙鳳升學士於官上乃端明殿也

唐翰林院在銀臺之北乾封以後劉禕之元萬頃之徒時宣召草制其間因名北門學士今學士院在樞密院之後腹背相倚不可南向故以其西廊西向為院之正門而後門北向與集英相直因榜曰北門兩省樞密院皆無後門惟學士院有之學士退朝入院與禁中宣命往來皆行北門而正門行者無幾不特取其便事亦以

存故事也

唐翰林院本內供奉藝能伎術雜居之所以詞臣侍書
詔其間乃藝能之一爾開元以前猶未有學士之稱或
曰翰林待詔或曰翰林供奉如李太白猶稱供奉自張
洎為學士始別建學士院於翰林院之南則與翰林院
分而為二然猶冒翰林之名蓋唐有弘文館學士麗正
殿學士故此特以翰林別之其後以名官託不可改然
院名至今但云學士而不冠以翰林則亦自唐以來沿

習之舊也

唐翰林學士結銜或在官上或在官下無定制予家藏唐碑多如大和中李藏用碑撰者言中散大夫守尚書戶部侍郎知制誥翰林學士王源中之類則在官下大中中王巨鏞碑撰者言翰林學士中散大夫守中書舍人劉瑑之類則在官上瑑仍不稱知制誥殊不可曉

瑑不稱知制誥唐以來至國朝熙寧官至中書舍人則不帶三字

俗稱翰林學士為坡蓋唐德宗時嘗移學士院於金鑿

坡上故亦稱鑿坡唐制學士院無常處駕在大內則置於明福門在興慶宮則置於金明門不專在翰林院也然明福金明不以為稱不常居之爾諫議大夫亦稱坡此乃出唐人之語諫議大夫班本在給舍上其遷轉則諫議歲滿方遷給事中自給事遷舍人當時語云饒道升上坡去亦須却下坡來以諫議為上坡故因以為稱見李文正所記

學士院舊制自侍郎以上辭免除授則賜詔皆留其章

中書而尚書省略其事因降劄于下院使為詔而已自
執政而下至於節度使使相則用批荅批荅之制更不
由中書直禁中封所上章付院令降批荅院中即更用
紙連其章後書辭併其章賜之此其異也辭既與章相
連後書省表具之字必長作表字傍一撇通其章階位
上過謂之抹階若使不復用舊銜之意相習已久莫知
始何時

舊制學士以上賜御仙花帶而不佩魚雖翰林亦然惟

二府服笏頭帶佩魚謂之重金元豐官制行始詔六曹尚書翰林學士皆得佩魚故蘇子瞻謝翰林學士表云玉堂賜篆仰淳化之彌文寶帶重金佩元豐之新渥玉堂之署四字太宗飛白書淳化中以賜蘇易簡

蘇參政易簡登科時宋尚書白為南省主文後七年宋為翰林學士承旨而蘇相繼入院同為學士宋嘗贈詩云昔日曾為尺木階今朝真是青雲友歐陽文忠亦王禹玉南省主文相距十六年同為學士故歐公詩有喜

君新賜黃金帶顧我今為白髮翁之句二事誠一時文物之盛也

學士院正廳曰玉堂蓋道家之名初李肇翰林志言居翰苑者皆謂凌玉清遡紫霄豈止於登瀛洲哉亦曰登玉堂焉自是遂以玉堂為學士院之稱而不為榜太宗時蘇易簡為學士上嘗語曰玉堂之設但虛傳之說終未有正名乃以紅羅飛白玉堂之署四字賜之易簡即扁鐫置堂上每學士上事始得一開視最為翰林盛事

紹聖間蔡魯公為承旨始奏乞摹就杭州刻牒揭之以
避英廟諱去二字止曰玉堂云

韓門下維以賜出身熙寧末特除翰林學士崇寧中林
彥振賜出身用韓例亦除翰林學士國朝以來學士不

由科第除者惟此二人

按韓省試中以父億執政不就
廷試後為館職以至兩制未嘗

賜第
也

唐詔令雖一出於學士遇有邊防機要大事學士不能
盡知者則多宰相以處分之要者自為之辭而付院使

增其首尾常式之言謂之詔意今猶見於李德裕鄭畋
集近歲或出於宰相進呈訖但召待詔即私第書寫或
詔學士宰相面授意退而具草然不能無改定也

右十
一事

石林
燕語

舊學士院在樞密院之後其南廡與密院後廊中分門
乃西向玉堂本以待乘輿行幸非學士所得常居惟禮
上之日略坐其東受院吏參謁其後為主廊北出直集
英殿則所謂北門也學士僅有直舍分於門之兩旁每

鎖院受詔與中使坐主廊余為學士時始請闔兩直舍各分其一間與北門通為三以照壁限其中屏間命待詔鮑詢畫花竹於上與玉堂郭熙春江晚景屏相配當時以為美談後聞王丞相將明為承旨旁取西省右正言廳以廣之中為殿曰右文

予從叔祖司空道卿慶曆中為翰林學士仁宗欲大用會宋元憲為相同年厚善或以為言乃與元憲俱罷然仁宗欲用之意未衰也再入為三司使而陳恭公尤不

喜適以憂去免喪不召就除知澶州吾大觀中亦忝入翰林因曲謝略敘陳太上皇喜曰前此兄弟同時迭為學士者有矣未有宗族相繼於數世之後不惟朝廷得人亦可為卿一門盛事吾頓首謝

唐制詔敕號令皆中書舍人之職定員六人以其一人為知制誥以掌進畫翰林學士初但為文辭不專詔命自校書郎以上皆得為之班次各視其官亦無定員故學士入皆試五題麻詔敕詩賦而舍人不試蓋舍人乃

其本職且多自學士遷也學士未滿一年猶未得為知制誥不與為文歲滿遷知制誥然後始並直本朝既重學士之選率自知制誥遷故不試而知制誥始亦循唐制不試雍熙初太宗以李文正公沆及來湜王化基為之化基上章辭不能乃使中書並召試制誥二首遂為故事其後梁周翰薛映梁鼎亦或不試而用歐陽文忠公記惟公與楊文公陳文惠公三人者誤也

太宗敦獎儒術初除張參政洎錢樞密若水為翰林學

士喜以為得人諭輔臣云學士清切之職朕恨不得為之唐故事學士禮上例弄獼猴戲不知何意國初久廢不講至是乃使敕設日舉行而易以教坊雜手伎後遂以為例而余為學士時但移開封府呼市人教坊不復用矣既在禁中亦不敢多致但以一二伎充數爾大觀末余奉詔重修翰林志嘗備錄本末會余罷書不克成

右四事葉夢
得避暑錄話

謝克家除翰苑以祖諱辭有旨銜內權不繫三字謝以

不帶三字止同職名不可赴院供職又固辭

熙寧初韓子華拜相其弟持國在翰苑神宗前期諭令
草制注意厚矣持國懇辭弟兄之嫌得請元符末曾子
宣爰立其弟子開直北門徽廟特命草麻蓋示眷寵也

右二事謝伋
四六談塵

學士及舍人院最重題名學士及舍人赴職之日本院
設具應佗學士給諫丞郎待制皆預會以是日題名於
石玉冊官刊字後有拜宰相者即其名下刊相字其家

遣子弟齋宴具就本院召學士待制以上皆集最為盛禮自元豐行官制之後一切廢罷矣

劉子儀在南陽以翰林學士召中途改成都彌年又召為學士至西京復加兩學士知鄭州謝表云仙山已到屢為風引而還長安甚遙豈覺日邊之近

故事皇子出閣以翰林學士一員掌牋表南豐先生以中書舍人掌延安郡王牋表出於一時之選也

右三事
曾紆南

遊記
舊

國朝因仍舊制翰林學士分日遞直夜入宿以備著撰日再而更遇錄院不前聞日晏禁中連遣走隸家召至則皇城門將閉矣少頃御藥入院以客禮見探懷出御封屏吏啓絨即詞頭也御藥取燭視扁鑰退就西閣宿學士歸直舍草制未五鼓院吏書待詔持紙筆立戶外學士據案授藁吏細書奏本待詔用麻紙大書乃付下省庭宣者學士臨視點勘匱封以授御藥御藥啓扃持入禁中院吏復扃至朝退然後開院率以為常若遇

命相則禁中別設綵殿召學士由內東門入繫鞋立墀
下上御小帽窄衫束帶御座側獨設一繡墩少東置杌
陳筆硯其上侍衛者皆下學士升殿造膝受旨趨杌書
所得除目進呈置袖中侍衛者皆上乃宣坐賜茶已復
庭謝御藥押送入院鑠宿如常制臣近自禮部尚書入
為翰林學士八月二十一日晚被召至綵殿獲覩盛儀
如前所云有旨除唐恪少宰罷徐處仁吳敏相上既授
旨復從容語時事久之是日復除順德帝姬一夕凡四

制翊日入侍經筵上曰詞頗逮意既退遣中使至玉堂
賜臣筆硯等十三事皆當日殿中所設上所常御者紫
青石方硯一琴光螺鈿匣一宣和殿墨二斑竹筆二金
筆格一塗金鎮紙天祿二塗金硯水蝦蟆一貯黏麴塗
金方匳一鎮紙象尺二薦硯以紫帕匣以黃方啓封時
硯漬墨未乾匳中餘麴猶存顧惟韋布書生幸以詞命
為職乃被賜人主所御筆硯則知翰苑職親地近非佗
要官比如臣鄙陋豈所宜蒙哉異時當草命相制間有

被此賜者雖故事實異恩且詞臣之極榮也臣既什襲
寶藏以傳子孫因記其事以補翰林志缺文焉昔錢思
公嘗謂朝廷之官雖宰相之重皆可雜以佗才處之惟
翰林學士非文章不可當時頗以此語取怒於人歐陽
文忠公自作內制集序猶以斯言為愧末乃云亦以誇
於田夫野老而已然則臣之所以記此者亦將以為田
野之美談耳靖康元年十月望日記

玉寓玉堂
賜筆硯記

先生與僕論官制因言及玉堂故事先生曰且如玉堂

兩字人多不解太宗皇帝嘗飛白題翰林學士院曰玉堂之署蓋此四字出於李尋傳且玉堂殿名也而待詔者有直廬在其側李尋時待詔黃門故曰久汙玉堂之署至英廟嗣位乃徹去及元豐中有翰林學士上言乞摘去二字復榜院門以為臣下光寵詔可是乞以殿名名其院也不遜甚矣僕退而檢漢書蓋漢之待詔者或在公車或在金馬門或在官者廬或在黃門時李尋待詔黃門哀帝使侍中徃問災異對曰臣尋位卑術淺過

隨衆賢待詔食太官衣御府久汙玉堂之署師古曰玉堂殿在未央宮然制度不見其詳獨翼奉傳略載之奉嘗上疏曰漢德隆盛在於孝文皇帝躬行節儉外省繇役其時未有甘泉建章及上林中諸離宮館也未央宮又無高門武臺麒麟鳳凰白虎玉堂金華之殿獨有前殿曲臺漸臺宣室承明耳以此考之則玉堂殿乃武帝所造也僕後以問先生先生曰然

馬永易元城先生語錄

唐制翰林學士初入院賜設并衣服中和節賜紅牙銀

寸尺上已重陽並賜宴曲江清明賜新火夏賜水臘日
賜口脂及紅雪澡豆歲前賜曆日有所修撰則賜茶果
酒脯策試程文則賜設并匹帛社日賜酒蒸餅饅餅等
事見唐人文集李邕號翰林六絕謂文學書翰等六事
過人李絳初入院憲宗親擇笏以賜之李昉久掌內制
太宗朝作相赴學士院敕設賦詩奏謝序述七盛如請
真俸給食錢朱衣雙引初除宣召敕諭正謝賜鞍馬之
類皆前代所無也太宗好儒嘗宣諭蘇易簡曰詞臣清

美朕恨不得為之夜幸本院易簡已寢內侍以秉燭自
牕照之俾其衣冠牕紗燃破後不復補以示優禮帝善
書他日作飛白玉堂之署四字賜易簡至元豐中神宗
一新官制學士與六尚書一等帶皆重金蘇子瞻謝表
云玉堂賜篆仰淳化之彌文寶帶重金佩元豐之新渥
建炎改元予忝召命謝章以七盛對六絕燃牕對擇笏
亦前輩偶然未用天禧元年二月學士院言詔敕詞尾
並云故茲詔示故茲示諭方云想宜知悉內諸道進奉

相承並不言詔示示諭竊思詔詞各有嘉獎之意亦各標云示諭今欲添入又諸處奏告青詞比來只是用紙裹角今請委三司造黑漆木筒五十枚凡有奏告封詞

齋往從之

國朝會要

乾興元年十月翰林學士晏殊等言先朝楊億再為學士班錢惟演之上今新添除學士劉筠天禧中已入翰林請如故序班臣等之上從之其後率如此例

仁宗實錄

天聖元年十月詔翰林學士遇隻日至晚出宿蓋故事

以雙日鎖院隻日降麻也

仁宗實錄

皇祐元年九月以翰林學士承旨兼端明殿學士尚書戶部郎中知制誥王堯臣加諫議大夫以久在禁林優

遷之也

堯臣歲滿當遷宰臣文彥博以其久任請降此命

二年九月十六日新除翰林學士稽顙未及謝卒詔賜告敕襲衣金鞍勒馬於其家

至和元年九月翰林學士楊察為承旨知制誥呂溱王洙並為翰林學士故事學士六員今洙為第七員蓋宰

相過除也

嘉祐六年三月承旨宋祁言久病不敢稽朝謁入學士院欲帶一子主湯藥從之

七年二月學士院言臣僚上表并劄子陳請事惟宰臣樞密使方降手詔手書自參知政事樞密副使以下即無體例去年三月因樞密副使陳升之請郡內批令降不允手詔當直學士胡宿亦曾論奏以手詔體重乞只降不允詔而不從其請竊緣近禁動成故事恐成隳廢

典故乞自今除宰臣親王樞密使有所陳請事依例或降手詔手書自餘臣僚更不降手書手詔許從本院執奏從之

凡學士院置待詔十人

國初承舊制翰林待詔六人寫書詔舊制月俸九十春冬給衣

又有隸書待詔六人寫簽題封角月俸止六十謂之東頭待詔雍熙四年廢隸書待詔增翰林待詔十人並兼御書院

錄事一人

景德二年九月本院言孔目官劉尚賓年滿已注宿遷縣尉緣主持書詔

切須諳練欲乞依吏部銓例置主事或錄事以本司勒留充職詔以尚賓為錄事給孔目官俸自後不常置又五代舊制有主事一人周顯德中廢

孔目官六人表奏官六人驅使官二

十人

驅使官舊額六人咸平二年初置侍讀侍講學士別補驅使官四人祇應及楊徽之卒復以驅使官

二人隸學士院因為八人三年四月詔學士院不得額外添人自後再除拜文明資政侍讀侍講龍圖閣樞密

直學士皆學士院遣守闕驅使官祇應多特補正名遂至二十人景德四年四月學士院上言先準敕表奏驅

使官闕人於京百司兩省三館抽差即不曾召保揀試本院見有守闕表奏官八人驅使官十二人今欲以此

為守闕定額今後如是闕人即於京百司兩省私名內抽取依三館例召保揀試送中書看詳從之舊又有專

知官一人通引官一人厨子六人太平興國四年並廢右六事國朝會要

治平元年六月翰林學士馮京奏樞密使富弼臣妻父

也今權知開封府當避弼不許

英宗實錄

熙寧六年正月二十一日詔學士院今後大遼國書并諸國詔書合要匣復等並自下司取索訖關三司破除仍諭諸處更不申乞朝旨

七年十二月八日詔翰林學士知制誥至中書樞密院議事許繫鞋過朔望及不因公事依例穿執

十年十月三日學士院言編修諸司式所送本院式十卷編學士員數并錄表疏青詞祝文鎖院敕設宿直之類看詳學士員數繫朝廷臨時除授若表疏青詞祝文

或請禱之意不同難用一律况朝廷待學士禮意稍異
宣召敕設盡出特恩關白中書樞密院止用語報不同
諸司乞下本所以吏人差補及官物出入之類並立為
式學士所職更不編載從之

元豐二年十一月翰林學士蒲宗孟乞敘班章惇下從
之以惇先曾任翰林學士及夏服闋再為學士故也
是年十月詔翰林學士並聽佩魚

元祐元年七月詔從承旨鄧温伯之請學士如獨員每

兩日免一宿候有雙員即依故事

右六事
續會要

政和五年十月徽宗皇帝御書摛文堂三字賜承旨強

淵明以榜於院

徽宗
寶錄

紹興三十年五月太上皇帝御書玉堂二大字賜學士

周麟之得旨於都省宣示宰執俟中祕倣書俾侍從館

閣官咸得觀仰刻石院中仍以石本分賜

隆興元年十一月七日聖旨學士院官經筵官日輪二

員宿直於學士院以備顧問續降旨揮遇赴德壽宮起

居聖節開啓滿散車駕詣景靈宮四孟朝獻國忌行香
前一人及旬假節假每遇筵宴並與免宿

隆興二年閏十一月敷文閣直學士王剛中除翰林學
士以祖諱翰改除禮部尚書直學士院唐制自宰相而
下初命皆無宣召之禮惟學士院在禁中非內官宣召
無因得入故院門別設複門亦以通禁庭也又學士院
北扉者為其在浴堂之南便於應召今學士初拜自東
華門入至左承天門下馬待詔院吏自左承天門雙引

至閤門此亦用唐故事也唐宣召學士自東門入者彼時學士院在西掖故自翰林院東門赴召非若今之東華門也至如挽鈴故事亦緣其在禁中雖學士院吏亦止於玉堂門外則其嚴密可知如今學士院在外與諸司無異亦設鈴索悉皆文具故事而已學士院玉堂太宗皇帝曾親幸至今惟學士上日許正坐他日皆不敢獨坐故事堂中設視草臺每草制則具衣冠據臺而坐今不復如此但存空臺而已玉堂東承旨閤子牕格上

有火燃處太宗嘗夜幸玉堂蘇易簡為學士已寢遽起
無燭具衣冠宮嬪自牕格引燭入照之至今不欲更易

以為玉堂一盛事

右二事沈
括筆談

先公嘗言翰林學士居深嚴之地職任事體與外司不
同至於謁見相府自非朔望慶弔止公服繫鞋而已學
士於內庭出入或曲詔亦不具靴簡若同列齊行前此
命朱衣吏雙引抗聲言學士來直至宮門方止歸院則
朱衣遞聲呼學士來者數四故事學士叙班只在宰相

後今之參知政事班位即舊日學士立班次處也近朝
以來會敘內殿起居叙班在樞密宣徽使後惟大朝會
入閣聖節上壽始得綴台司步武焉吾自延州歸闕再
忝內職時與朱崖盧相同列依舊命吏前後雙引既而
盧謂吾曰今府尹令尹時皇上開封尹兼中書令親賢英仁復兼右
相尚以一朱衣前導吾儕為學士而命吏雙引因令罷
去雙引自是抗聲傳呼之儀亦稍罷矣

蔡文忠以翰林兼侍讀兩學士改龍圖閣學士知密州

自翰林改龍圖出藩繇文忠始也

右二事宋敏求退朝錄

丁晉公自保信軍節度使知江寧府召為參知政事中書以丁節度使召學士草麻時盛文肅為學士以為參知政事合用舍人草制遂以制除丁甚恨之

太宗時宋白賈黃中李至呂蒙正蘇易簡五人同時拜翰林學士承旨扈蒙贈之以詩云五鳳齊飛入翰林其後呂蒙正為宰相賈黃中李至蘇易簡皆至參知政事宋白官至尚書老於承旨皆為名臣

楊大年為學士時草答契丹書云鄰壤交歡進草既入
真宗自注其側云朽壤鼠壤糞壤大年遽改為鄰境明
旦引唐故事學士作文書有所改為不稱職當罷因亟
求解職真宗語宰執曰楊億不通商量真有氣性

故事學士在內中院吏朱衣雙引太祖朝李昉為學士
太宗在南衙朱衣一人前引而已昉亦去其一人至今
如此往時學士入劄子不著姓但云學士臣某先朝盛
度丁度並為學士遂著姓以別之其後遂皆著姓

唐人奏事非表非狀者謂之膀子亦謂之錄子今謂之
劄子凡羣臣百司上殿奏事兩制以上非時有所奏陳
皆用劄子中書樞密院事有不降宣敕者亦用劄子兩
府自相往來亦然此例也是年議裁省百司冗費學士
院月給食錢三百千學士食料待詔人更等添給鎖院
御藥并人從宣召使行家事例皆
用此亦在裁去之數余與宰相論之不從因經筵奏事
為上言七盛故事云食錢其一也祖宗舊典近歲未嘗
增數豈可與百司弊事同廢哉上大以為然令傳旨如

故朱勝非秀
水間居錄



翰苑羣書卷十二

翰苑羣書題記

翰苑秩清地禁泐唐迄今為薦紳榮遵世蒙國恩父子
兄弟接武而進實為千載幸遇曩嘗粹遺事一編竭來
建鄴以家舊藏李肇元稹韋處厚韋執誼楊鉅丁居晦
洎我宋數公凡有紀於此者併刊之木仍以國朝年表
中興題名附乾道九年二月七日番陽洪遵書于清漪

閣

